



Broj: 04/1-02-227/22-1
Sarajevo, 14.03.2022. godine

DOM NARODA PARLAMENTA FEDERACIJE BIH

n/r gospodina Tomislava Martinovića, predsjedatelja
n/r gospodina Aljoše Čampare, potpredsjedatelja

PREDMET: IZVJEŠĆE PARLAMENTARNOG POVJERENSTVA ODGOVORNOG ZA REVIZIJU O REVIZORSKIM IZVJEŠĆIMA REVIDIRANIH SUBJEKATA I KORISNIKA PRORAČUNA FEDERACIJE BIH ZA 2020. GODINU

Temeljem članka 198. Poslovnika Zastupničkoga doma Parlamenta FBiH, obavještavam Vas da je Zastupnički dom Parlamenta FBiH na 30. redovitoj sjednici održanoj 09.03.2022. godine usvojio Izvješće Parlamentarnog povjerenstva odgovornog za reviziju o revizorskim izvješćima revidiranih subjekata i korisnika Proračuna Federacije BiH za 2020. godinu zajedno s predloženim zaključcima, koje Vam u prilogu ostavljamo.

Dostaviti:

- naslovu
- predsjedniku i dopredsjednicima FBiH
- premijeru, zamjenicima premijera
- Vladi FBiH
- Predsjedatelju ZD
- dopredsjedatelju ZD
- tajniku Doma naroda
- službi Doma naroda
- tajniku Zastupničkoga doma
- Službi Zastupničkoga doma
- a.a.



**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PARLAMENTARNA KOMISIJA ODGOVORNA ZA REVIZIJU**

Sarajevo, 28. 1.2022. godine
Broj: 04/1-02- 227/22-1

PARLAMENT FEDERACIJE BOSNE I HERCEGOVINE

PREDSTAVNIČKI DOM

n/r g-din Mirsad Zaimović, predsjedavajući

DOM NARODA

n/r g-din Tomislav Martinović, predsjedavajući

**IZVJEŠTAJ PARLAMENTARNE KOMISIJE ODGOVORNE ZA REVIZIJU O
REVIZORSKIM IZVJEŠTAJIMA REVIDIRANIH SUBJEKATA I KORISNIKA
BUDŽETA FEDERACIJE BOSNE I HERCEGOVINE ZA 2020. GODINU.**

Sarajevo, Januar 2022. godina



1
2
3

THE UNIVERSITY OF CHICAGO
DEPARTMENT OF CHEMISTRY
530 SOUTH EAST ASIAN AVENUE
CHICAGO, ILLINOIS 60607

Na osnovu stava 1. Odluke o formiranju Parlamentarne komisije odgovorne za reviziju Predstavničkog doma i Doma naroda Parlamenta Federacije Bosne i Hercegovine, broj: 01-02-599/20 i broj: 1328/20 („Službene novine Federacije BiH“, broj: 57/20), Komisija je razmatrala Izvještaje o reviziji finansijskih izvještaja korisnika Budžeta Federacije Bosne i Hercegovine za 2020. godinu, i Izvještaje o finansijskoj reviziji i revidiranih subjekata, te je pripremila zaključke i preporuke za parlamentarnu raspravu, i podnosi slijedeći:

IZVJEŠTAJ

U skladu sa članom 12. Zakona o reviziji institucija u FBiH, Ured za reviziju institucija u FBiH (u daljnjem tekstu: Ured za reviziju), dana 28.12.2020. godine, putem protokola Parlamenta, dostavio je Plan revizije za 2020/2021 godinu Ureda za reviziju Institucija u Federaciji BiH.

Na osnovu člana 16. Zakona o reviziji institucija u FBiH, Ured za reviziju dostavio je do kraja 2021. godine Parlamentu Federacije BiH, stotinu i jedan revizorski izvještaj o finansijskoj reviziji i šest izvještaja revizije učinka u 2020. godini.

Od tog broja Parlamentarna komisija odgovorna za reviziju je razmatrala Izvještaje koji su u nadležnosti Federacije BiH i to: 25 korisnika budžeta i Izvještaj o reviziji Izvještaja o izvršenju Budžeta FBiH za 2020. godinu, 8 izvještaja Zavoda, fondova, agencija i javnih ustanova i 10 Izvještaja o reviziji preduzeća u većinskom državnom vlasništvu.

Parlamentarna komisija odgovorna za reviziju razmatrala je i jedan Izvještaj revizije učinka „Efikasnost planiranja i realizacije mjera za ublažavanje ekonomskih posljedica pandemije Covid -19“.

Parlamentarna komisija odgovorna za reviziju je nastavila sa svojom praksom da prilikom javnih saslušanja revidiranih subjekata korisnika Budžeta, izostavi one subjekte koji imaju pozitivno mišljenje i o finansijskim izvještajima i o usklađenosti sa zakonskim propisima.

U skladu sa članom 16. Poslovnika o radu Komisije, formirane su grupe u cilju obavljanja javnih saslušanja za dostavljene Izvještaje.

Poštujući proceduru izrade izvještaja, Komisija je sačinila plan i program javnih saslušanja revidiranih institucija, odredila grupe za javna saslušanja/izjašnjenja i izvjestioce za revidirane korisnike Budžeta FBiH, obavila razgovore i postavljala pitanja predstavnicima revidiranih institucija i predstavnicima Ureda za reviziju, te provela planom predviđenu proceduru prvog kruga javnih saslušanja u periodu od 13.07.2021. godine do 16.07.2021. godine.

Javnim saslušanjima/izjašnjenjima odazvali su se predstavnici svih pozvanih revidiranih institucija. U prvom krugu javnih saslušanja ukupno je saslušano petnaest (15) federalnih korisnika budžeta koji nisu imali pozitivna mišljenja za mišljenje o finansijskim izvještajima i/ili mišljenje o usklađenosti sa zakonskim propisima. Od petnaest (15) obaveznih finansijskih izvještaja, četrnaest (14) finansijskih izvještaja je imalo pozitivno mišljenje na izvještaj o reviziji finansijskih izvještaja, te jedan (1) revidirani subjekt, imao je mišljenje sa rezervom na izvještaj o finansijskoj reviziji. Od svih petnaest (15) pristiglih obaveznih finansijskih izvještaja svi su imali mišljenje sa rezervom na izvještaj o usklađenosti sa zakonima i propisima. **Nije bilo izraženih negativnih mišljenja za korisnike Budžeta FBiH za 2020. godinu.**

Drugi krug javnih saslušanja održan je u periodu od 15.11. – 18.11. 2021. godine. Predmet ovih saslušanja su bili Zavodi, fondovi agencije i javne ustanove, Preduzeća u većinskom državnom vlasništvu i Izvještaj o izvršenju Budžeta za 2020. godinu. Komisija je na svojoj 21. sjednici održanoj 14.10.2021. godine utvrdila da su pristigla 23 izvještaja koja su u nadležnosti Komisije i Izvještaj o Izvršenju Budžeta za 2020. godinu, utvrdila je **raspored** javnih saslušanja i zaduženja pojedinih članova po grupama.

Od ukupno dvadeset i četiri (24) objavljenih i pristiglih izvještaja revizije javnih preduzeća, zavoda i fondova za 2020. godinu u ovom ciklusu javnih saslušanja (za 2 subjekta finasijski izvještaj je obuhvatio i 2019. godinu i to: Operator za obnovljive izvore enegije i efikasnu kogeneraciju i Pretis d.d. Vogošća), sedam (7) ih je imalo **pozitivno mišljenje na izvještaj o finasijskoj reviziji** (Porezna uprava F BiH, Razvojna banka BiH, Zavod zdravstvenog osiguranja i reosiguranja F BiH, Fond za profesionalnu reahabilitaciju i zapošljavanje osoba sa invaliditetom, Zavod za javno zdravstvo Federacije BiH, Federalna uprava civilne zaštite i Izvještaj o izvršenju budžeta za 2020. godinu), **suzdržano mišljenje na izvještaj o finasijskoj reviziji** imao je jedan subjekt (Federalni zavod za penzijsko i invalidsko osiguranje) **mišljenje sa rezervom na izvještaj o finasijskoj reviziji** imalo je jedanaest subjekata (Unis Group društvo za promet i usluge d.o.o. Ilidža, Tvornica transportnih uređaja energetik d.o.o. Tuzla, JP Željeznice F BiH d.o.o. Sarajevo, JU Zavod za zbrinjavanje mentalno invalidnih lica Drin Fojnica, JU Zavod za zbrinjavanje mentalno invalidne djece i omladine Pazarić, Federalni zavod za zapošljavanje, Zaštitni fond Federacije BiH, Fond za zaštitu okoliša F BiH, Federalna direkcija robnih rezervi, Federalna agencija za upravljanje oduzetom imovinom i Služba za zajedničke poslove organa i tijela F BiH), **negativno mišljenje na izvještaj o reviziji finasijski** izvještaja imalo je pet (5) subjekata (Pretis d.d. Vogošća, JP Elektroprivreda BiH d.d. Sarajevo, JP Elektroprivreda Hrvatske zajednice Herceg Bosne d.d. Mostar, JP Autoceste F BiH d.o.o. Mostar i Operator za obnovljive izvore enegije i efikasnu kogeneraciju).

Što se tiče izvještaja o usklađenosti sa zakonima i propisima, od ukupno dvadeset i četiri (24) pristigla izvještaja **pozitivno mišljenje na izvještaj o usklađenosti sa zakonima i propisima** imalo je dva (2) subjekta i to (Služba za zajedničke poslove organa i tijela F BiH i JU Zavod za zbrinjavanje mentalno invalidnih lica Drin Fojnica), **mišljenje sa rezervom na izvještaj o usklađenosti sa zakonima i propisima** imalo je dvadeset i jedan (21) subjekta (Pretis d.d. Vogošća, Unis Group društvo za promet i usluge d.o.o. Ilidža, Tvornica transportnih uređaja energetik d.o.o. Tuzla, Razvojna banka BiH, JP Elektroprivreda BiH d.d. Sarajevo, JP Željeznice F BiH d.o.o. Sarajevo, JP Elektroprivreda Hrvatske zajednice Herceg Bosne d.d. Mostar, JP Autoceste F BiH d.o.o. Mostar, JU Zavod za zbrinjavanje mentalno invalidne djece i omladine Pazarić, Zavod zdravstvenog osiguranja i reosiguranja F BiH, Federalni zavod za zapošljavanje, Zaštitni fond Federacije BiH, Fond za profesionalnu reahabilitaciju i zapošljavanje osoba sa invaliditetom, Fond za zaštitu okoliša F BiH, Federalna direkcija robnih rezervi, Federalna agencija za upravljanje oduzetom imovinom, Zavod zdravstvenog osiguranja i reosiguranja F BiH, Federalna uprava civilne zaštite, Porezna uprava F BiH, Federalni zavod za penzijsko i invalidsko osiguranje i Izvještaj o izvršenju budžeta za 2020. godinu), **negativno mišljenje na izvještaj o usklađenosti sa zakonom i propisima** imao je jedan (1) subjekta (Operator za obnovljive izvore enegije i efikasnu kogeneraciju).

U trećem terminu javnih saslušanja koji su održani 14.12.2021. godine razmatrana su dva Izvještaja : Izvještaj o finansijskoj reviziji "Operatora – Terminali Federacije" d.o.o. Sarajevo i Izvještaj o finansijskoj reviziji Poslovnog sustava „Vitezit“ d.o.o. Vitez.

Operator terminali Federacije d.o.o. dobio je **negativno mišljenje** o finansijskim izvještajima i mišljenje sa rezervom o usklađenosti.

Vitezit d.o.o. Vitez je dobio **suzdržano** mišljenje o finansijskim izvještajima i **negativno** mišljenje o usklađenosti.

U vidu javnog saslušanja/izjašnjenja razmatro se i **Izvještaj revizije učinka** „Efikasnost planiranja i realizacije mjera za ublažavanje ekonomskih posljedica pandemije Covid -19“. Na javnu raspravu u vidu javnog saslušanja, pozvani su predstavnici Vlade Federacije Bosne i Hercegovine, Federalnog ministarstvo finansija, Porezne Uprava Federacije Bosne i Hercegovine i Razvojne banke Federacije Bosne i Hercegovine.

Komisija naročito ističe da značajan broj preporuka nije realizovan ili je djelimično realizovan, što znači da nisu otklonjeni ranije utvrđeni propusti i nepravilnosti. S obzirom na to da je slična situacija utvrđena i prethodnih godina, komisija konstatuje da realizacija preporuka nije na zadovoljavajućem nivou i da bi u narednom periodu trebalo konačno poduzeti ozbiljne aktivnosti i mjere na njihovoj realizaciji, a sve s ciljem efikasnijeg i efektivnijeg korištenja javnog novca.

Komisija je u svrhu izrade ovog izvještaja održala 10 sjednica . Osam cijelodnevnih sjednica posvećenih javnim saslušanjima, jedna sjednica posvećena saslušanju dva revidirana subjekta i jedna sjednica za definisanje Zaključaka i usaglašavanje Izvještaja Komisije.

Nakon provedenih svih aktivnosti javnih saslušanja/izjašnjenja, Komisija je na svojoj 27. sjednici a nakon provedene diskusije usvojila sljedeće:

ZAKLJUČKE

1. Usvaja se Izvještaj o izvršenju budžeta FBiH za 2020. godinu i dvadeset i šest (26) Izvještaja o obavljenoj finansijskoj reviziji korisnika Budžeta FBiH za 2020. godinu,
2. Usvaja se deset Izvještaja o reviziji Preduzeća u većinskom vlasništvu Federacije BiH za 2020. godinu,
3. Usvaja se osam Izvještaja Zavoda, fondova, agencija i javnih ustanova u nadležnosti Federacije BiH za 2020. godinu
4. Usvaja se Izvještaj o obavljenoj reviziji učinka „Efikasnost planiranja i realizacije mjera za ublažavanje ekonomskih posljedica pandemije Covid 19“,

5. Zadužuje se rukovodstvo subjekta nad kojim je vršena revizija za 2020. godinu koji su uz «pozitivno mišljenje revizora» ili uz «mišljenje s rezervom» imali dodatno istaknute predmete, odnosno skretanje pažnje, obuhvatajući mišljenja revizora o finansijskim izvještajima i mišljenja revizora o usklađenosti, da poduzmu sve potrebne mjere iz nadežnosti svakog subjekta zasebno nad kojim je vršena revizija za 2020. godinu, kako bi se izbjegle dalje posljedice identificiranih problema u poslovanju na koje je revizija skrenula pažnju pri isticanju predmeta, kao i da poduzmu mjere kojima će se preduprijeti da materijalnost takvih nalaza revizije eventualno ne preraste u kvalifikacije u narednim izvještajima revizije.
6. Traži se od Federalnog ministarstva finansija, kao i od Vlade Federacije BiH u dijelu preporuka koje su izvan nadležnosti Federalnog ministarstva finansija, da u saradnji sa resornim ministarstvima, te drugim organima javne uprave koji se navode u preporukama revizije, promptno pristupe izradi zajedničkog «Programa aktivnosti i mjera za provedbu 25 preporuke finansijske revizije za 2020. godinu», objavljenih u revizorskom izvještaju broj: 01-02-06-11-1-1750-3/21, pod nazivom «Izvještaj o finansijskoj reviziji Izvještaja o izvršenju Budžeta Federacije Bosne i Hercegovine za 2020. godinu», te da poduzmu aktivnosti i mjere kojim će zapriječiti ponavljanje identičnih nalaza revizije u narednim izvještajima finansijske revizije.
 - 6.1. Potrebno je da Vlada FBiH i Federalno ministarstvo finansija, u saradnji sa resornim ministarstvima i drugim organima javne uprave koji se navode u preporukama, pristupe realizaciji i evidenciji poduzetih aktivnosti i mjera na provedbi 25 preporuke finansijske revizije za 2020. godinu objavljene u revizorskom izvještaju pod nazivom «Izvještaj o finansijskoj reviziji Izvještaja o izvršenju Budžeta Federacije Bosne i Hercegovine za 2020. godinu». Potrebno je da se odrede dvije grupe prioriteta: aktivnosti koje je moguće provesti tokom 2022. godine i aktivnosti koje je moguće pokrenuti tokom 2022. godine, te da se obje grupe definišu kao sastavni dio planske aktivnosti unutar Godišnjih programa rada Vlade FBiH i Federalnog ministarstva finansija za 2022. godinu.
 - 6.2. Potrebno je javno objaviti «Program aktivnosti i mjera» naveden u tački 6. (šest) ovih Zaključaka najkasnije 30 dana nakon usvajanja Izvještaja od strane Parlamenta FBiH na internet stranicama Vlade FBiH i Federalnog ministarstva finansija, te da se u istom roku, njegova štampana kopija dostavi Parlamentu FBiH.
 - 6.3. Zadužuje se Parlamentarna komisija odgovorna za reviziju da vrši odgovarajuće usporedbe sa sadržajem novih revizorskih izvještaja za 2021. godinu, i aktivno prati realizaciju preporuka revizije u daljim ciklusima revizije.
7. Traži se da Parlament FBiH, Predsjednik i dva potpredsjednika FBiH, Vlada FBiH (Generalnog sekretarijata) , Federalno ministarstvo pravde, Federalno ministarstvo finansija, Federalno ministarstvo energije rudarstva i industrije, Federalno ministarstvo prometa i komunikacija, Federalno ministarstvo zdravstva, Federalno ministarstvo prostornog uređenja, Federalno ministarstvo poljoprivrede, vodoprivrede i šumarstva, Federalno ministarstvo za pitanja boraca i invalida odbrambeno-oslobodilačkog rata, Federalno ministarstvo rada i socijalne politike, Federalno ministarstvo kulture i sporta, Federalno ministarstvo obrazovanja i nauke, Federalno ministarstvo okoliša i turizma,



Federalni zavod za penzijsko/ mirovinsko i invalidsko osiguranje, Porezna uprava FBiH, Federalna uprava civilne zaštite, Služba za zajedničke poslove organa i tijela FBiH, Zavod za javno zdravstvo FBiH, Federalna direkcija robnih rezervi i Federalna agencija za upravljanje oduzetom imovinom, zasebno pristupe izradi svojih «Programa aktivnosti i mjera na provođenju preporuka finansijske revizije za 2020. godinu», s ciljem prevazilaženja nedostataka u poslovanju prezentiranih u revizorskom izvještaju za 2020. godinu, te pristupe preduzimanju mjera kojim će se zapriječiti ponavljanje identičnih nalaza revizije u narednim izvještajima finansijske revizije.

- 7.1 Dvadeset i dva zasebna «Programa aktivnosti i mjera» navedenih u prethodnoj tački (7.) ovih Zaključaka, potrebno je javno objaviti najkasnije 30 dana nakon usvajanja Izvještaja od strane Parlamenta FBiH na internetskim stranicama svake od navedenih dvadeset i dvije institucija FBiH zasebno, te da se štampane kopije tih «Programa» u istom roku dostave Parlamentu FBiH.
 - 7.2 Potrebno je da svaka od navedenih dvadeset i dvije institucija u prethodnoj tački (7.) ovih Zaključaka, promptno pristupi evidenciji preduzetih aktivnosti i mjera na provođenju preporuka prezentiranih u revizorskom izvještaju za 2020. godinu, te da Parlamentu FBiH dostave popis preduzetih aktivnosti i mjera, najkasnije 30 dana nakon usvajanja Izvještaja od strane Parlamenta FBiH.
 - 7.3 Potrebno je da svaka od navedenih dvadeset dvije institucija u prethodnoj tački (7.) ovih Zaključaka, uvrsti preporuke revizije iz Izvještaja finansijske revizije za 2020. godinu u svoje godišnje programe rada za 2022. godinu, s ciljem selekcije dvije grupe prioriteta: (a) aktivnosti koje je moguće provesti tokom 2022. godine, kao i (b) aktivnosti koje je moguće pokrenuti tokom 2022. godine, te definiranja obje grupe kao planskih aktivnosti unutar svakog zasebnog godišnjeg programa rada za 2022. godinu za svih dvadeset i dvije navedene institucije, korisnika Budžeta FBiH.
 - 7.4 Zadužuje se Parlamentarna komisija odgovorna za reviziju da vrši odgovarajuće usporedbe sa sadržajem novih revizorskih izvještaja za 2021. godinu, i aktivno prati realizaciju preporuka revizije u daljim ciklusima revizije.
8. Traži se da Zavod zdravstvenog osiguranja i reosiguranja Federacije Bosne i Hercegovine, Federalni zavod za zapošljavanje, Fond za zaštitu okoliša Federacije Bosne i Hercegovine, Fond za profesionalnu rehabilitaciju i zapošljavanje osoba sa invaliditetom, Javna ustanova Zavod za zbrinjavanje mentalno invalidnih lica „Drin” Fojnica, Javna ustanova Zavod za zbrinjavanje mentalno-invalidne djece i omladine Pazarić, Zaštitni fond Federacije Bosne i Hercegovine, Operator za obnovljive izvore energije i efikasnu kogeneraciju – za 2019. godinu, zasebno pristupe izradi svojih «Programa aktivnosti i mjera na provođenju preporuka finansijske revizije za 2020. godinu», s ciljem prevazilaženja nedostataka u poslovanju prezentiranih u revizorskom izvještaju za 2020. godinu, (Operator za obnovljive izvore energije i efikasnu kogeneraciju – za 2019. godinu) te pristupe preduzimanju mjera kojim će se zapriječiti ponavljanje identičnih nalaza revizije u narednim izvještajima finansijske revizije.
- 8.1 Osam zasebnih «Programa aktivnosti i mjera» navedenih u prethodnoj tački (8.) ovih Zaključaka, potrebno je javno objaviti najkasnije 30 dana nakon usvajanja Izvještaja od strane Parlamenta FBiH na internetskim stranicama svake od navedenih osam institucija zasebno, te da se štampane kopije tih «Programa» u istom roku dostave Parlamentu FBiH.

- 8.1 Potrebno je da svaka od navedenih osam institucija u prethodnoj tački (8.) ovih Zaključaka, promptno pristupi evidenciji preduzetih aktivnosti i mjera na provođenju preporuka prezentiranih u revizorskom izvještaju za 2020. godinu, te da Parlamentu FBiH dostave popis preduzetih aktivnosti i mjera, najkasnije 30 dana nakon usvajanja Izvještaja od strane Parlamenta FBiH.
- 8.3 Potrebno je da svaka od navedenih osam institucija u prethodnoj tački (8.) ovih Zaključaka, uvrsti preporuke revizije iz Izvještaja finansijske revizije za 2020. godinu u svoje godišnje programe rada za 2022. godinu, s ciljem selekcije dvije grupe prioriteta: (a) aktivnosti koje je moguće provesti tokom 2022. godine, kao i (b) aktivnosti koje je moguće pokrenuti tokom 2022. godine, te definiranja obje grupe kao planskih aktivnosti unutar svakog zasebnog godišnjeg programa rada za 2022. godinu za svih osam navedenih institucija,
- 8.4 Zadužuje se Parlamentarna komisija odgovorna za reviziju da vrši odgovarajuće usporedbe sa sadržajem novih revizorskih izvještaja za 2021. godinu, i aktivno prati realizaciju preporuka revizije u daljim ciklusima revizije.
9. Traži se da J.P. autoceste BiH d.o.o. Mostar, J.P. Elektroprivreda BiH d.d. Sarajevo, J.P. Elektroprivreda HZHB d.d. Mostar, J.P. Željeznice FBiH d.o.o. sarajevo, Operater – Terminali Federacije d.o.o. Sarajevo, PS Vitezit d.o.o. Vitez, Razvojna banka FBiH, Pretis d.d. Vogošća, Unis-group, Društvo za promet i usluge d.o.o. Ilidža i Tvornica transportnih uređaja energetik d.o.o. Tuzla, zasebno pristupe izradi svojih «Programa aktivnosti i mjera na provođenju preporuka finansijske revizije za 2020. godinu», s ciljem prevazilaženja nedostataka u poslovanju prezentiranih u revizorskom izvještaju za 2020. godinu te pristupe preduzimanju mjera kojim će se zapriječiti ponavljanje identičnih nalaza revizije u narednim izvještajima finansijske revizije.
- 9.1 Deset zasebnih «Programa aktivnosti i mjera» navedenih u prethodnoj tački (9.) ovih Zaključaka, potrebno je javno objaviti najkasnije 30 dana nakon usvajanja Izvještaja od strane Parlamenta FBiH na internetskim stranicama svake od navedenih osam institucija zasebno, te da se štampane kopije tih «Programa» u istom roku dostave Parlamentu FBiH.
- 9.2 Potrebno je da svaka od navedenih deset institucija u prethodnoj tački (9.) ovih Zaključaka, promptno pristupi evidenciji preduzetih aktivnosti i mjera na provođenju preporuka prezentiranih u revizorskom izvještaju za 2020. godinu, te da Parlamentu FBiH dostave popis preduzetih aktivnosti i mjera, najkasnije 30 dana nakon usvajanja Izvještaja od strane Parlamenta FBiH.
- 9.3 Potrebno je da svaka od navedenih deset institucija u prethodnoj tački (9.) ovih Zaključaka, uvrsti preporuke revizije iz Izvještaja finansijske revizije za 2020. godinu u svoje godišnje programe rada za 2022. godinu, s ciljem selekcije dvije grupe prioriteta: (a) aktivnosti koje je moguće provesti tokom 2022. godine, kao i (b) aktivnosti koje je moguće pokrenuti tokom 2022. godine, te definiranja obje grupe kao planskih aktivnosti unutar svakog zasebnog godišnjeg programa rada za 2022. godinu za svih deset navedenih institucija,
- 9.4 Zadužuje se Parlamentarna komisija odgovorna za reviziju da vrši odgovarajuće usporedbe sa sadržajem novih revizorskih izvještaja za 2021. godinu, i aktivno prati realizaciju preporuka revizije u daljim ciklusima revizije.

10. Traži se od Vlade Federacije BiH da pripremi prijedlog zakonskog rješenja ili da izmjenom i dopunom postojećih zakonska i podzakonska rješenja, predvidi sankcioniranje rukovodilaca i/ili ovlaštenih lica onih institucija FBiH koje u razumnom roku ne postupaju po preporukama Ureda za reviziju institucija u FBiH, Zaključcima Parlamentarne komisije odgovorne za reviziju, odnosno ne poduzimaju ni minimalan broj aktivnosti na realizaciji tih preporuka/zaključaka, posebno onih materijalno-značajnih preporuka revizije, ili o tome ne informiraju, odnosno ne dostavljaju pravovremeno ili nikako podatke Uredu za reviziju institucija u FBiH i Parlamentu FBiH, kada se to od njih traži.

11. Zadužuje se Parlamentarna komisija odgovorna za reviziju da saglasno svom Poslovniku i u saradnji sa Uredom za reviziju institucija u FBiH aktivno prati realizaciju ovih Zaključaka, da vrši redovnu korespondenciju sa revidiranim korisnicima Budžeta FBiH, da po potrebi organizira radne sastanke i radne posjete, te zasebne sjednice Komisije posvećene realizaciji preporuka revizije iz 2020. godine.



Dostavljeno:

- Predsjedavajućim oba doma,
- Zamjenicima predsjedavajućih oba doma,
- Sekretarima oba doma,
- Revidiranim korisnicima Budžeta FBiH,
- Uredu za reviziju institucija u FBiH,
- Parlamentarnoj komisiji odgovornoj za reviziju,
- a/a.